



Орган Лемковского Союза.

Выходит в каждый четверг.

Редакция и администрация в Крынице. — Адрес „Лемко” Крыница.

Всіх читателей, котры не вплатили ище пренумераты, просиме выровнати якнайскорше рахунки.

Уж в листопадї появит ся богато иллюстрований календар „Лемка” на рок 1937. Крім того выйде также малый кышенковый календарик для дітей и великий календар стінный. Календар на р. 1937. буде выданий в ограниченем числі екземплярей и тому, кото хоче достати, мусит якнайскорше замовити его в администрации газеты „Лемко”.

Ціна одного екземпляра выносит 50 грошей

и кошты пересылкы. При замовленю понад 10 календарей кошты пересылкы покрыват администрация „Лемка”, котра дає также оден календар даром.

Доход с малых календариков, котрых ціна выносит 10 грошей, перезначае на Руску Бурсу в Горлицах.

Редакция

ЯК ЖИЮТ ХЛОПЫ НА СЕЛІ.

Цікавы и смутны числа помішат в своем послідном номері, выданом за місяц листопад 1936., газета „Pion”.

Там ест представленый рочный бюджет малорольной родины, зложеной с осмеро людей (в том числі ест 5-ро дітей).

Родина тотї сконсумовала в тягу 1935 року 1.077 кг. зерняных продуктов (вартости 144 зл. 15 гр. 3535 кг. ростинных продуктов (вартости 211 „ 83 „ (в том 1986 кг. картофлей за 44 зл. 67 гр. и 350 кг. капуст-ты за 8 зл. 73 гр.)

Крім того сконсумовала родина 2,115 кг. набілу за . . . 146 зл. 72 гр. (в том 226,5 кг. худого молока) и 188 кг. мяса и омасты за . . 133 „ 75 „

а также смішно малы количества инших про-вянтов, як нпр. 2 кг. цукру на цілый рок:

Пересічний выдаток на выкормленє выно-сит ажек на 1-го человека 80 зл. рочно, т. е. 22 гроши денно.

Як представят ся того выкормленє?

На вагу выносит оно близко 2 1/2 кг. на особу, але третю часть того — то картофлі: Цукру припадат денно на особу 3/4 грама, мяса — 6 дека, 1 литра молока на 1-тыж-день.

Така ест нужда на селі. Так живут, мало-рольны селяне на долах, по грунтах жизнї-ших, а штож допіро у нас в горах. Ту про-цент сконсумованых грульок напевно ест высший, але зато хліба и омасты ідят ту ище меньше. Чогож можна ждати от дітей, котры так скупо ся кормят? Ци могут они розрости ся належито и розвинути нормаль-но свои силы? Напевно ні. То будут колиси выголоднены, скарловатілы, сухотничі недо-

розвиткы, нездатны до работы, серед кот-рых найде смерть обыльне жниво.

Штобы той біді зарадити, потребна ест не-отложна помоч, котра може ити лем в нап-рямі: 1) господарчого поднесеня краю, 2) роз-вита и окруженя опеком народного сельско-го промысла и 3) здобытя емиграцийных те-ренов для безработных на селі.

Господарства наши, особенно в горах, сут наставлены ошибочно на продукцию хлібно-го, зерна, котрого они не выдають в выстар-чаючом для прокормленя населеня количест-ві и тому не приносят жадных доходов. Го-сподарства тоты однак надают ся добре до выхову статку и продукции молока и в том напрямі треба их доконче наставити. Сіяти меньше зерна, а головоу увагу звернути на луку и пасовиска.

В виду пануючого безроботя по містах ніт што числити на того, же там можна найти службу або роботу. Безработны сельскы му-сят глядати той работы на селі и найдут ю, коли розвинут лучше народный сельский про-мысл. Тото занедбане ткацтво, фолішництво, вироб деревяных забавок и малых господар-чих знарядов, вироб пуделок, кошиков и глиняной посуды, треба оживити на ново и в часі долгих вечеров зимущных заняти ся домашним промыслом. В початках не даст нам того великих доходов, але счасом, як тот промысл розвине ся и сорганізує, поз-волит он неодному выкормити себе и роди-ну. Организации рольничі уділяють охотным всяких рад и уряджуют курсы для подготов-леня молодежи до ремесла. Также и в часі наближающей ся зими отбуде ся в многих

наших селах ряд курсов господарчих и про-мысловых. Записуйме ся радо на тоты курсы и користайме с нагоды, бо лем через науку можеме позбыти ся біды, яка тепер загніз-дила ся сильно на селі. Лем науком и тяж-ким, вытревалым трудом можеме здобыти лучший корм для наших дітей и допомочи им розвинути ся нормально и вырасти на сильных и здоровых газдов.

Не зазнат біды

тот, кто має отложеный хоц бы и невеликий грош на т. зв. чорну годину.

Никто с нас не знає, што принесє ему зав-трашний день. Днеска маме вшитко, весели-ме ся и радуєме, а завтра може быти сов-сем иначе. Або злива и град знищат засівы и землеплоды, або огонь спалит будынки, або корова упаде, або, што ище планьше, занедужат ктоси с домашних. Во всіх тых случаях жеде нас новый выдаток, котрый мо-жеме покрити с невеликим трудом лем втот-час, як маме зложеной який такой грош. Без ускладаного гроша жеде нас біда и нуж-да, котра стає ся не рідко причином и звады в хаті. Килькож то случаєв ест таких, же люди, покля был достаток, жили в згоді и любви, а коли пришла біда, почали ся вадити и сварити. Біда зробила их нервовыма и они, не могучи позбыти ся нужды, почали звальяти вину оден на другого и так пришло до грызні. А ели бы тоты люди не вірили своему счастью, але в том часі, коли вело ся им добре, откладали гдеякий грош на пого-дивше, были бы мали ся чим в несчастью зратовати и не довели бы до сварні и незгоды. Прото тыж, кто не хоче зазнати біды и нужды, най складат каждый непот-ребный грош в певных касах. Таким касом ест

Комунальна Каса Ощадности
в Крыниці-Здрою.

Пренумерата в краю:
30 грошей місячно,
80 „ квартално
1-50 „ полпрочно,
3 зл. рочно.

В Амерыці: 1 дол. рочно.

В Чехословакии:
2 кор. місячно, 10 кор. полпрочно,
20 кор. рочно.

Ціны оголошень:
Ціла сторона 120 зл., 1/2 сто-
роны 60 зл., 1/4 стороны 35 зл.,
1/8 стор. 20 зл., 1/16 стор. 10 зл.;
оголошеня малы за 1 мм. 20 гр.,
в тексті 30 гр., перед текстом
40 гр. При місячном и долшом
оголошеню значна знижка.

Кonto чекове Нр. 404.155.

ГЛЯДАЮТ СУРОВЫХ МАТЕРИАЛОВ, ШТОБЫ УНЕЗАЛЕЖНИТИ СЯ ОТ ЗАГРАНИЦЫ.

В последних часах праві всі державы хотят так устроити ся, штобы мати все, чого потребує промысл и штобы або нич, або як найменше спроваджати товаров с других держав. Така самовыстарчалность має велике господарче значенє, котре росте ище больше в часі войны. Гдекотры державы, як нпр. Совіты мають праві всі суровы материялы и могут ся обыйти без помочи других держав.

Але уж Німеччині бракує много суровых материялов. Передовсем не має Німеччина тилько хліба, килько потреба єй на выкормленє свого населеня, а кромі того бракує єй также нафты. Німецкы учены призадумують ся над тым, штобы хліб вырабяти с дерева, с котрого уж вырабляют цукор, оцет, спирт, глицерину и инше. С угля каменного и то с найпланьшого, бо бурого, вырабляют они бензыну и гуму т. зв. буну, с котрой робят протывгазны маски и опоны на кола до автомобилей, танков и самолетов.

Также и Польша привозит много суровых материялов из заграницы. По перше, тото коштує дуже грошей, а поза тым узалежняет Польшу от чужих краєв. Тож, штобы унеза- лежнити ся економично, покликано до жия нарочну комисию при Министерстві Промысла и Торговлі, котра має розслідити, котры со спроваджаных тепер с чужих краєв товаров дало бы ся заступити суровыми материялами польской продукции рольной. Комисия тота має также постановити, якы возможности має Польша в области металевых руд, на якы руды можеме числити и якых руд можна в Польщі глядати. Уж тепер начали глядати руду мангану. Мусит ся также

усталити, якы суровы материялы можна заступити штучными о высокой вартости.

В области суровых материялов потребных для волокнистого промысла пороблемо уж подробны досліды, а именно: вмісто спроваджаной до тепер баволны мають уживати т. зв. „котонины“. Ест то волокно, подобне до баводняного, котре одержує ся с краєво- го льну и конопель при отвітной хемичной переділці. Штобы спроваджати меньше вол- ны, побудовано в Лодзи фабрыку т. зв. „ля- ниталю“, т. є. штучного волокна выроблено- го с молока и совсем подобного до волны. Кромі того уж от долшого часу фабрыкують

с дерева (целюльозы) штучный шолк, котрый улучшають с каждым роком.

В справі розвиненя того промысла отбыла ся в днях 14 и 16-го т. м. нарочна конфе- ренция в Министерстві Промысла и Торгов- лі под председательством вицеминистра Д-ра А. Росе. В конференции той приняли участь представители всіх заинтересованных галузей продукции. Дня 16. т. м. выбрано три коми- сии, котры мають ся заняты справами: 1) ко- тонины 2) ляниталю 3) штучного шолка. Ко- мисии мають приготувити внесеня в справі продукций тых штучных материялов и воз- можностей заступленя нима суровых материя- лов, спроваджаных с чужих краєв.

Результат льондонской поїздки мин. загр. діл О. Бека.

Визыта польского министра заграничных діл О. Бека в столиці Англи закончила ся полным успіхом. Ціле прийатє, оказанє мин. Беку в Льондоні через найвысших урядников державных и самого короля Едварда VIII. отдаванє ему почести в часі парад и тор- жеств уряджанных нарочно для него, свідчат о том, же само англицке правительство при- дає велике значенє визиті и звязаных с ви- зытом переговоров.

Официально донесено, же в Льондоні не лем наступила выміна мыслей меже руково- дителями заграничной политики двух дер- жав, што не обовязовало бы до ничого, але же там установлено также лучность цілей политики Англии и Польщи. В том заклю- чат ся уж великий успіх польской политики, бо при новых договорах меже Англиом и

другими державами, Англия не подпише пак- та, котрый бы мог оказати ся шкодливым для Польщи. Особенно важным може оказа- ти ся польско-англицкый договор в том слу- чаю, если бы пришло до заключения нового загалного договора с Німеччином, котрый замінит бы похороненый уж частично дого- вор Версальскый. Тепер такой договор не лем не може быти заключеный с втратом для Польщи, але также — без єй беспосе- редной участи и без принятия под увагу жа- дань Польщи. Польша заняла в европейской политике положенє сильне и єй жаданя и ве- ля сут респектованы через европейскы дер- жавы.

Таким способом льондонска поїздка мин- стра заграничных діл О. Бека закончила ся так великим успіхом, же министр може напавду быти гордый с єй результата. Тот суцис єст результатом долгых літ пля- номірной и систематичной дыпломатич- ной работы, опертой на внутренней силі державы.

В Москві украли плян воєнной обороны Совітской России.

Льондон; „Дейли Емспресс“ доносит: Г.А.У. выкрыло величезну аферу шпьюнажа, какой не было от 1918 року. В 4-ох последних ро- ках совітска Россия вырєбила плян обороны от нападеня со стороны западных держав. По маневрах в Минску, котры отбыли ся в жолтні т. р., тот плян затвердил Ворошилов. Плян хранено в Кремлі и знало о нем лем 5-ох высших офицеров генерального штаба.

Пепед 10-ма днями дває из тых офицеров спостерегли, же плян ктоси выкрал, отры-

совал и вложил назад на свое місце. Справу передано Г.П.У. Подозрінє упало на одного из 5-ох офицеров.

В слідстві выявило ся, же любовницом то- го офицера была графиня, знана Г.П.У. под именем: „Ирена Михайловна“. Офицера и графиню арестовано, Они ділали в интересах одной заграничной державы. Кромі них арестовано также около 100 людей, заміша- ных в тоту аферу.

Поля не сораны, хліб гниє.

Орган азовско-черноморского краєвого ко- митета партийного „Молот“ доносит о сла- бом темпі передзимушной оркы в Совітах (в азовско-черноморокой закутині). До дня 25. жолтня сорано там о 300 тысяч гектаров меньше, як в минувшом році.

Газета подає, же заробкы сут выплачаны трактористам с великим опоздненєм, што не способствує интенсывности работы.

Газета „Сєверо-кавказскій Большевик“ по- дає, же причином занедбаня полевых работ сут антыдержавны наміреня поодынокых ко- лективов. Гдеякы рейоны в загалі перестали давати хліб, хліб лежит ище на полях и гниє, а звезеного до сыпанцов зерна никто не стереже.

Не лучше представляют ся справа передзи- мушной оркы. Гдекади не начато ище пе- редзимушной оркы, а ряд державных маєт- ков (совхозов) выконал ледво одну пятую часть загалного пляну.

Тота сама газета доносит также, же на Кавказі спозднено ся со збором баволны и собрано в полночной части Кавказу всего 21 процент плянованой баволны.

Человік — медведь спит цілу зиму.

В Америці жие хлоп, — зове ся Артур Герке, — котрый каждого року, почавши от р. 1910. кладе ся дня 1. листопада до посте- ли и встает аж на весну.

Понятно, же он не спит цілый час, лем іст, читат, приимат гостей, але все робит в по- стели. Он твердит, же такой трыб жия пов- алять ему смотріти весело на світ.

— Если бы все — гварит тот дивак — ро- били так як я, люды мали бы значно мень- ше згрызот.

Так бесідує чудак, але если бы все пошли зго слідами. кто бы ему давал істи?

Жива пересылка.

Перед сємома роками выемигровал с По- льщи до Франции хлоп Вавжиняк. Там оже- нил ся и мал дітину. Хлоп с жєном ребил тяжко, а дітину помістили в приюті за опла- том 170 франков місячно.

В последних часах заробкы так змаліли, же хлоп не мог платити за дітину и рішил послати ю до своего отца, котрый жие в Ло- дзи. Але же не мал грошей на нормальный билет, то подал дітину яко пакуном.

Живым тым пакуном заопековали ся по пути кондукторы. Коли поїзд приїхал до Ло- дзи, начальник станции повідомил діда о „па- кунку“. Дідо отобрал малого хлопчика.

Ест то немотованый случай перасылания дітей в формі пакунка и свідчит о біді ро- бочой клясы.

Волкы на окраинах.

Того року занадто скоро появили ся на вєходно-полудневых окраинах волкы.

В повіті дисненском сут уж цілы громады тых звірят. Волкы порывають гуси, свині и овцы с пасовищ.

Місцеве населенє пояснит собі тото вчасне появленє волков, яко ворожбу вчасной и острой зимы.

НАЙЛУЧШИ ТЕЛЯТА С ВЫТЕЛЕНЬ ОСЕННИХ И ЗИМОВЫХ.

Як паша выпродукована на власном хозяйстве есть найдешевша, так в хові звірят, найлучши результаты будеме мати втотчас, коли приховок буде власный.

Если купуе телята в знаной солидной оборі, можеме быти певны, же купуе материал совсем добрый, але если робиме того на торзі, то николи не можеме знати, што вырасте с теляти. Прото тыж найлучше доховати ся коров с власных телят. Лучачи добры коровы с добрым быком, можеме надіяти ся, же и потомство буде добре.

Зближае ся до зимы, газда покончил уж работы в поли и має больше часу для своего живого инвентара. Если хоче заняти ся сам ховом телят, то мусит посвятити ся тому совістно, памятаючи, же дорослу корову занедбану можна „поставити на ноги“ добрым кормом, але занедбане при хові телят не даст ся уж ничим надробити. Розвивающий ся с дня на день молодой организм теляти мусит достати вьо, чого потребуе, иначе задержуе ся в розвитку и того не поправит ся уж николи.

До хову повинно ся оставляти телята с вытеленъ осенних и зимовых. На пасовиску коровы находили ся в літі все в руху, на свіжом воздуху. Вплыват того користо так на здорове коровы, як и теляти. Тому тыж телята, походячи от коров, котры ходят по пасовиску, сут найсильнйши и найздравши. Не значит того, же кажде теля, уроджене тепер, треба ховати. О том можеме судити по вазі. Если теля важит меньше як 30 кг., то трудно надіяти ся, штобы с него выросла добра корова. Если однак теля ест здраве, має отвітну вагу и походит от молочной коровы, то шкода его продавати на заріз, бо можна ся надіяти, же при добром откормленю вырасте с него добра корова.

Телята урожены на весну, або в літі, меньше надают ся до хову, бо долгий час зимуваний, в котром статок ест держаний на увязи без руху, зле впливат на правильный розрост теляти в лоні матери.

В літі газда має занато дуже работы и не може заняти ся усердно телятом, а газдыня не все памятае, штобы накормити его на час,—в результаті теля, с натуры слабе, терпит на том, розвиват ся зле, не росте и не наберат вагы. Не без значеня ест и то, же в літі, коли статок иде на пасовиско, мухы и всі овады с цілой стайні сідают на теля, котре не уміе ся оборонити перед ними. При таких условиях трудно доховати ся доброй коровы.

Кормити телята треба с руки. Мале теля барз скоро, часом в пару минутах, учит ся пити молоко с посуды. Натоміст старше, держане при корові, с трудом отвыкат от сосаня. Кормячи с руки, можеме все дати теляту того, што му ся належит. При сосаню не знаме, килько оно выпиват, если за дуже, то хворіе, если замало — терпит голод и не росте.

Корова 1 — 2 дней тужит за телятом, не хоче часто пустити молоко, але, же ест то час т. зв. „курастры“, котрой люды не ідят, прото дуже на том не тратиме. Если натоміст отлучае уж старше теля, то корова навикла до сосаня, через долший час бануе за телятом, утинат с молоком и втотчас має уж втрату.

Через перу неділю треба теляту давати пелне мололо, найлучше от власной матери,

котре не даст ся ничим заступити. Ховане теляти ест коштовне, бо не має доходу с молока. Если однак теля ест здраве и сильне, то перед выдатком цофати ся не можна, бо доховае ся цінного звіряти. Если однак не можеме дати теляту добрых условий, если не можеме заспокоити всіх вымог его молодого организма, то лучше телят не ховати, бо потіхы с того не буде. В таких разях ліпше куповати отхованы телята с доброй оборы.



К о м у н и к а т .

В звязи с тым, же многым кончит ся термин позволения на оружие дня 31. грудня 1936., Староство повітове новосандецке пригадуе, же особам, котры не внесут поданя до Староства о продолжене позволения на оружие **перед уплывом термина его важности**, позволене так не буде продолжене, кромі того особы тоты будут укараны за безправне посідане и ношене оружия, а само оружие буде сконфисковано, як то зрештом мало місце в многих случаях того року.

Прото тыж всі тоты, котры мають оружие и позволене на оружие, повинны для власного добра примінити ся до обовязующих приписов.



МАСОВЫ АРЕСТЫ В СОВІТАХ.

По выкрытю аферы шпйонской в Москві арестовано там до тепер понад 100 людей. Аресты тоты сут направлены передовсем против німцам. Ведля официальных жерел советских арестовано в Москві 8-ох німецких граждан, меже нима пастира евангелицкого костела в Москві.

Амбасадор Німеччины в Москві, котрый звернул ся до Кремля о выяснене в справі ареста німецких граждан, достал отвіт, же сут они предводителями широко розгалуженой шпйонской организации.

Кружат поголоскы, же в звязи с тым арестами, Німеччина сорве дыпломатычны сношеня в Совіском Росіом.



Кырвава неділя в Мадрыті

Вісти, які подали газеты уж в минушом тыждні о опанованю через повстанцов Мадрыта, оказали ся передвчасны. Повстанцы заняли лем передмістя столицы Испании и о Мадрыт идут дальше тяжкы бои.

В минушом тыждні червены войска потрафили задержати напор войск повстанчих и змусили их цофнути ся пару кольометров. Предводителі червеных войск вірили, же переломили уж силы повстанчих войск и через пару дней так ся на правду здавало. Але по пару днях повстанчи войска припустили атаку на Мадрыт при помочи бомбардующих самолетов и розгоріл новы бой, котрый найстрашнійший был в минушом неділю. Обі стороны шмарили ся на багнеты. Бой был тяжкый, безпощадный. Улицы, застелены трупами, представляли страшный вид. Раз на раз выбухали пожары от метаня с горы бомб. Наконец червены войска почали ся цофати, не могучи удержати ся на позициях.

Тепер повстанцы опановали нилька кварталов и прут ку середині міста. Иде того тяжко, бо треба zdobyвати каждый дом, каждую улицу.

Серед трупов розпознано килькох граждан советских. При одном найдено приказ, подписанный советским офицером, руководящим отділом червеных войск.

Кырвавы бои тревают дальше и напевно не скоро ся закончат, бо обі стороны робят всьо, штобы претивника здавити.



Открыте читальні им. М. Качковского в Солотвинах.

Дня 15. листопада т. р. отбыло ся в дому Ющика в Солотвинах открыте читальні им. М. Качковского.

При набитой молодежи комнати выголосоли бесіды председатель Лемко-Союза Д-р. Орест Гнатышак и Мет. Трохановский с Крыницы и представили собранным потребу науки и користи, які дае добре ведена и жива четальня, а также заохотили до численного вписаня ся в члены читальні. Ухвалено членску складку по 3 зл. рочно и вписове по 1 золотому. Приступило в члены понад 40 молодежи, котры по выборі выділа рішили выписати для читальні газеты и книжки и вынаныти помещене.

Ест то незвычайно милый и рідкий обяв рваня ся молодежи до науки. В Солотвинах не было ниякого руского интеллигента. Селяне были зданы сами собі и не проявляли великого заинтересования до науки и просвещения. Аж нагло молодеж начала ходити до читальні в Крыниці-Селі и принимати участь в даваных представлениях и забавах. Видячи користи стороны читальняной діяльности, постановили солотвиняне основати у себе читальню, взяли ся енергично до работы и помимо [перешкод со стороны старых газдов, поставили на своем и мають свой власный очаг просвещения. Выбранный выділ также не спит, бо уж на слідуючу субботу дня 21.XI. организовал товариску забаву с танцами, котра мала цілю собрати средства на библиотеку и заохотити решту молодежи до вписаня ся в члены.

Славно списуе ся солотвинска молодеж!

Ту она показала, же мыслит о собі и о своей будущности и не хоче оставати с позаду других в просвітительной работі. Слава и честь им тым больше, же робят всьо сами, не маючи в ником ани заохоты ани помочи!



Конец независимой и свободной Абисинии.

Агенция Стефани доносит с Аддис-Абебы, же окончене часу дождей розвивало всякы иллюзии, які мали ище абисынскы отряды, ставяючи отпор италиянам.

В продолженю 40 дней пацыфикация и оккупация цілого пространства Абисинии ест в значной части окончена. Дві колюмны посувають ся скоро в рејоні Джиме, одна с тых колюмин, под начальством генерала Гельосо, приближат ся уж до Аллята.

Рас Деста, котрому грозит полне окружене, може тепер спасати ся лем утечом ку западови.

ПОМІЩАЙТЕ
ОГОЛОШЕННЯ
В ГАЗЕТІ „ЛЕМКО“

Што чути в світі.

Лизбона: Ген. Франко заявив, же бомбардуванє Мадрыта буде тревати так долго, покаль місто ся не поддаст. Мадрыт буде збурений, одна часть за гругом.

В Москві заарестовано много чужинцов, особливо німцов. Арестованим зашмарят ся, же належали они до фашистовских организаций.

Сан-Франциско: В минувшом тыждні президент Рузвельт доконал открытє через натисненє гузика величезного моста о довготі 17 км. Мост тот лучит Сан-Франциско с Даклянд понад заливом. Мост складат ся с двох покладов. Горішний єст Perezначений для ввозу и на нем може помістити ся 6 особовых и 3 тягаровых самоходов и 2 лєнии трамваєвы. Поклад долішний єст Perezначений для пішеходов. Будова моста коштowała 77 миллионов долларов.

Парыж: Дня 13.XI. мал місце над Мадрытом великий бой летничий. 15 правительственных самолетов, окружило 10 самолетов повстанчих и начал ся бой на смерть и жите. В результаті розбито 6 повстанчих самолетов.

С Одессы выслано 9 советских кораблей с военными материялами для правительственных войск испанских. До Бильбао прилетіло 36 советских самолетов.

С Токио доносят о заключеню бльоку противяпонского, зложеного с Кытая и Советов. Блок тот заключено в місцевости Сиян, где іздил маршал Чанг-Кай-Шек в ціли веденя бесід с советскими делегатами. Чанг-Кай-Шек собовязал ся не провадити войны с комустами, а комунисты перестанут нападати на провинции центрального правительства. Лучна противяпонска акция має быти ведена от січня будучого року.

Лизбона: Ведля послідних донесень повстанцы опановали по завзятых боях „місто универсытєцке“, котре творит отдільну часть Мадрыта, положену на полночном западі.

Недалеко Марсыліи наступил взрыв в фабриці пороху. При взрыві убило 40 робітників, а 300 ранило.

Парыж: Тепер идут велики бои в центрі Мадрыта. Чило убитых и раненых єст велике. Повстанчи самолеты бомбардуют місто в ріжних частях.

Берлин: правительство Німеччины и Италии постановили официально признати правительство повстанцов и навязати с ген. Франко дыпломатичны отношеня.

Відень: Помимо упорных заперечень, с Шангхая доносят, же меже Японіом и Німеччином заключено в послідном часі противосветский пакт, в силу которого в случаю войны німецко-росийской, японска армия має активно помагати Німеччині.

Парыж: Дня 18.XI. пополнил самоубийство французский министр внутренних дел. Он затрул ся світляным газом. С листов, які оставил, выходит, же министр порвал ся на

свое жите под влиянием клеветничой акции веденой против нему через противничу партию.

Букарест: Румунске правительство асыгнувало додатково суму 600 миллионов франков на вооруженє.

Льондон: Англицы кораблі вывезли от початку домашной войны 11.195 людей, котры утекли с Испаниіи.

Букарест: В Румунии упал сніг.

Рим: С Неаполя отправлено в Абисинию 2 батальоны войска т. зв. „чорных сорочок“ и гренадерску дивизию „Савоя“, котра має ввойти в склад аддис-абебского гарнизона. Дивизия тота складат ся с двох гренадерских полков, одного піхотного полка, батальона машинных карабинов и отрядов техничных войск.

В послідном часі с Генуи и других итальянских портов выслано до Абисинии войска и работников.

Рим: Незвычайно смілу операцию перевел знамый итальянский хирург професор Францескетти. Он пересадил рогову оболочку помершой 19-літної дівчини на око сліпого. Операция удала ся и сліпый прозріл. Професор сказал, же така барз трудна операция може удати ся лєм втотчас, коли орган Perezначеный до пересадки бере ся у особы другого пола и єсли сут неушкождены сітчатка и очный нерв.

Вісти с краю.

Краков: Маршал Рыдз-Смиглы был дня 13.XI. т. р. в Кракові и отдал честь тлінным останкам б. п. Маршала Пилсудского.

Варшава: Маршал Рыдз-Смиглы одержал загалом 30 тысяч телеграм и 11 тысяч листов гратуляцийных.

Варшава: Польша має одержати в коротком часі пожичку во Франции в высоті 700 миллионов злотых. Пожичка тота має быти обернена на урядженє металургичных фабрык и розбудову желізно-дорожных сітей.

Лодзь: Недалеко Лодзи в долині ріки Лодкы выкопано величезный зуб мамута дол-

готы два и пол метра. Ведля опинии дыректора лодзкого музея, зуб тот має около 20 тысяч літ.

Варшава: Премьер ген. Славой-Складковский выдал нове розпорядженє, в силу которого тоты купцы, котры будут засужены за жаданє высших цін и за невывішенє цінника в skleпах и выставовых окнах, не будут мати права одержати нияких льгот ани продолженє в санитарной области.

Варшава: В министерстві промысла и торговлі отбыло ся под председательством вице-министра А. Росе перше засіданє комиссии цін товаров промысловых.

Комисия постановила собі за ціль недопустити до поднесения цін промысловых товаров и уложити плян поступаня в виду картелей и других организаций, користающих с монопольного положеня на рынках.

Новый Санч: Маркус Винд и его брат Нафтали были уж пару раз караны за торговлю шмугльованыма товарами. Тепер Маркус выбрал ся до Кракова, где закупил пару пачок сушеных сливок. Пачки со сливками передал одному купцови в Кракові, котрый мал му их выслати почтом до Санча на адрес М. Богнера.

Але Брыгаді Контролі Скарбовой штось не подобали ся тоты сливки и она задержала обох братьов в часі, як отбєрали пачки с почты. Показало ся, же Брыгада К. С. малла добрый нюх, бо в одной скрині вмісто сливок было 25 запальников, 5 кг. сахарины и 1 1/2 кг. камней до запальников, всьо прешмугльоване с заграницы. Суд в Новом Санчі засудил Маркуса Винда на 3 місяцы ареста и на кару грошеву 2.480 зл., а Нафта Винда на 8 місяцев ареста. — Терпкы сливки.

Новый Санч: Перед двома місяцами двоих авантюриков, братьов Саламонов с -Ростоки Великой побили так тяжко Александра Репелу, же тот умер. Суд в Санчі засудил обох авантюриков (Дмитра и Павла Саламонов) на 2 літа криминалу.

Куплю горский мед

с околиц Крыницы

Пробку, ціну и сколькость подати до редакции газеты „Лемко“.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ

ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО,

НЕХАЙ ЯКНАЙСКОРШЕ

заасекурує ся

в асекураційном Товаристві

ВИТА И КРАКОВСКЕ

во ЛЬВОВІ

Асекурацію принимают на цілой Лемковщині
представителі: гг. Осиф Яновицкий — Крыница-Село и Михаил Перелом — Сянок.